



01. Okt. 2010

Inatsisartut suleriaasianni § 36, imm. 1 naapertorlugu Naalakkersuisunut apeqqut matumuuna imaattoq saqqummiuppara.

**Naalakkersuisunut apeqqut:**

1. **Sinerissamut qanittumi aalisartunut saarullittassanik Naalakkersuisut immikkut aalisagassiiniarpat?**
  - a. Angerneqarpat – qaqugu aammalu aalisagassat qanoq annertutigissappat?
  - b. Naaggaarneqarpat – Sooq itigartinneqarpa?
  
2. **Aalisartunut tamannalu pillugu tunisassiorfinni sulisunut aammalu kommuninut saarullinnik tunitsiveqarfiutilinnut/tunitsiviusimasunut malitsissaasut suuneri Naalakkersuisut misissorpaat?**
  - a. Angerneqarpat – kisitsisit taakku sumit pissarsiarineqarsinaappat?
  - b. Naaggaarneqarpat – susasaqartutut attorneqartut innuttaaqataasutut aningaasatigullu annaasaqarsinnaaneri pinngitsoortinniarlugu taava Naalakkersuisut sunik iliuuseqarniarpat?
  
3. **Kujataani, Nuummi – Qaqortumi, assagiarsunnik immikkut pisassiinissamik Naalakkersuisut pilersaaruteqarpat?**
  - a. Angerneqarpat – qaqugu aammalu immikkut pisassiissutit qanoq annertutigissappat?
  - b. Naaggaarneqarpat – sooq naamik?

(Inatsisartuni ilaasortaasoq Kim Kielsen, Siumut)

**Tunngavilersuut:**

Nunatsinni aalisartut sinerissap qanittuani saarullitassat septembarip naanerani aalisareerpaat, arlaqartullu anginerusunik aalisariuteqartuullutik akilersukkaminnik, taamatullu inuttatik imminnullu akilertussaallugit. Taamatuttaaq aalisakkerivinni sulisut eqqugaassallutik. Attorneqartut tamarmik soorlu inigisamut, imermut, kiassarnermut innaallagissamullu kiisalu nerisassanut nalinginnaasumik aningaasartuuteqartuullutik. Assagiarsunnik pisassiissutit aammattaaq Kujataani aalisarneqalereerput, naallu aalisartut ilisimatitsissutigigaat assagiarsorluortoq, akuersissutaat avinneqarsimavoq – tassa Kommuneqarfik Kujallermi aalisartut Paamiut eqqaanni aalisarsinnaalersillugit, tassani pisassat annertusinagit, taamaattumik Naalakkersuisunut taamatut apeqquteqarpunga.

Ullut suliffiusut 10 iluanni apeqqutikka akeqqullugit Naalakkersuisut qinnuigissavakka.